



Inatsisartunut ilaasortaq Malik Berthelsen  
Inatsisartut  
/Maani

### **INI A/S pillugu § 37- 2011-49-mut Malik Berthelsen, Siumumit apeqqummut akissut**

3. marts 2011  
Sagsnr. 2011-046582  
Dok. Nr. 572714

§ 37, imm. 1, Inatsisartut Suleriaasiat tunngavigalugu apeqquteqaativit ilai 21. februar 2011 tiguisimasagut matumuuna akissuteqarfigissavakka.

Postboks 1015  
3900 Nuuk

Tlf. (+299) 34 50 00

Fax (+299) 32 50 02

E-mail: govsec@nanoq.gl

www.nanoq.gl

Makkuninnga apeqquteqaateqarsimavutit.

1. "INI-mi Suleqatigiit" suunukua, sullu pilersaarutigivaat?
2. Piginneqatigiiffimmi nutaami "INI Byggeteknik A/S" atorfiit qassiuppat?
3. Sooq INI-p pisortaanertut atorfik Nuummi pilersippaa, Sisimiuni qullersaqarfik inissisimasooq?
4. Namminersorlutik Oqartussat piginneqatigiiffittut suliffeqarfiutaani allani pisortaanerit qullersaqarfiup inissisimaffiginngisaani inissitaappat?
5. Naalakkersuisup Jens B. Frederiksen qanornguna isumaqarluni INI-mi aqutissat nutaat maluginiarsimallugit?

Aallaqqaammut erseqqissarneqassaaq Naalakkersuisut isumaqanngimmata apeqqutit suilliit pingasut Naalakkersuisut ataaniittut taamaattumillu akissuteqarfigisinaanagit, takuuk Inatsisartut Suleriaasiaani § 37, imm. 2.

Pisumi uani Naalakkersuisut A/S Inissiatileqatigiiffik INI-mut saaffiginissimapput akissuteqaatinik piumallutik. Apeqquteqaatit taamaattut Naalakkersuisunuunngitsoq toqqaannartumillu pineqartumut akisussaasunut siunissami ingerlatinneqartarnissaat erseqqissaatigineqassaaq.

Apeqquteqaatinut siullernut pingasunut akissuteqaatit A/S Inissiatileqatigiiffiup INI-p akissuteqaataanik pisimasatsinnik atuineruvoq.

Aammattaaq malugeqquneqarpoq apeqquteqaat 5 Ineqarnermut, Attaveqarnermut Angallannernullu Naalakkersuisoqarfimmit akineqareersimammat.

1 -mut

INI-p Suleqatigiiffia (INI Gruppen) tassaavoq A/S Inissiatileqatigiiffiup INI-p taassumallu ataaniilersup INI Byggeteknik A/S-ip ataatsimut taaguutigiligaat. Taamatut suliffeqarfiup piginneqatigiilluni ingerlalerterata kinguneraa suliffeqarfiit taakku marluk imminnut ata-nerminni A/S Inissiatileqatigiiffiup qullersatut/piginnittut inissisimalertera.

Suliffeqarfissuarmut INI-mut ulluinnarni INI-p Suleqatigiiffia-nik taaguserneqarpoq.

INI-p Suleqatigiiffiata ullumikkut A/S Inissiatileqatigiiffiup INI-p suliarisartagai ingerlateqqissavai, taakku ataanni teknikkimut immikkoortoqarfik.

Taamaattumik teknikkimut immikkoortortaqarfik inatsiseqarnermut atatillugu immikkoortinneqaannarsimavoq. Taamaaliornermi qulakkeerniarneqarsimavoq ilaatigut niuerner-mik ingerlatsiviit ataasiakkaat aningaasatigut tamakkiisumik ersarinnerusumik ingerlalnissaat. Taamaaliornikkut aamma teknikkikkut ingerlatsiviup aallutai inissianik aqutsinernut attuumassutilinnit immikkoortinneqarput.

Apeqquut 2 -mut

INI Byggeteknik A/S-imi atorfiit quliupput, tassalu taakku atorfillit qulit tassaapput 1. januar 2011-p siornagut INI-p teknikkimut immikkoortortaani atorfeqarsimasut.

3 -mut

INI Byggeteknik A/S-ip pilersinneqarneranut atatillugu teknikkimut immikkoortortaqarfimmi pisortaasimasooq suliffeqarfimmuut pilersinneqartumut pisortannortinneqarpoq. INI Byggeteknik A/S Nuummi angerlarsimaffeqarpoq soorlu teknikkimut immikkoortortaqarfiusimasooq aamma taamaassimasooq, taamaattumillu pisortaasup Nuummiittariaqarnera pissusissamisuuginnarpoq. Tassa 1. januar 2011 sioqqullugu aamma taamaassimavoq.

4 -mut

Soorlu § 37-imut atatillugu apeqquuteqaammut 2011-30-imi takuneqarsinnaasooq siulersuisutut atasut pisortatut ingerlatseqatigiit isumaqatigiissuteqarfigisarpaat, taakkulu sumi inissisimanissaat siulersuisut isumaqatigiissutigisarlugu.

Ilivitsumik ilaannakuusumilluunniit suliffeqarfiit Namminersorlutik Oqartussanit pigineqartuni pisortatut ingerlatseqatigiinnut isumaqatigiissutit ingerlatsisoqarfiup qanoq imaqavinneri ilisimaneq ajorpaat, tassa taakuummata siulersuisut akisussaaffiisa annerit ilaat.

Kisianni aamma suliffeqarfinnut ataasiakkaanut nammineq saaffiginnissinnaavutit apeqquuteqaatigisat akissuteqarfigitikkusukkukku.

Malugissavalli suliffeqarfiit apeqquutivit akinissaanut pisussaataaangimmata, pisortat ingerlatsineranni suliat suliarineqartarnerat pillugu inatsit (sagsbehandlingsloven) pisortallu ingerlatsineranni paasitinneqarsinnaatitaaneq pillugu inatsisaat (offentlighedsloven) tunngaviatigut pisortat ingerlatsineranuinaq atuummata, takuuk inatsisip § 1-ia, imm. 1. Inatsisip atuuffia tunngavimmigut suliffinnut namminersorneq tunngavigalugu inatsisitigut tunngavilinnut atuutinnigilaq, taakku ataanni suliffeqarfiit aktieselskabitut aaqquissuunneqarsimasut. Tassa taamaattumik aktieselskabit Namminersorlutik Oqartussanit ilivitsumik ilaannakuusumilluunniit pigineqartut pisortat ingerlatsineranni paasitinneqarsinnaatitaaneq pillugu inatsimmut toqqaannartumik ilaatinneqanngillat. Paarlattuanik aktieselskabit selskabit inatsisaanni paasitinneqarsinnaatitaanermut aalajangersakkanut ilaatinneqarput, soorlu ukiumoortumik nalunaarusiortarnernut allannguutinillu pingaarutilinnik Inuusutissarsiornermik Suliffeqarfinnillu Aqutsisoqarfinnut paasissutissiisoqartarnek.

5 -mut

Ukioq kingulleq A/S Inissiatileqatigiiffik INI suliffeqarfiusimavoq sanaartortitsisunut siunnersuisartut nuimanagerit ilaat. Tamanna minnerunngitsumik pissuteqarpoq Ineqarnermut, Attaveqarnermut Angallannermulu Naalakkersuisoqarfiup aamma A/S Inissiatileqatigiiffik INI-p sulisuisa akornanni qanittumik nukittuumillu suleqatigiinnerannik.

Tamakku peqqutaallutik A/S Inissiatileqatigiiffik INI Kalaallit Nunaanni suleffeqarfiusimavoq Namminersorlutik Oqartussat sanaartugaanni nutaani ataqatigiissaarluakkamik ussissusermut misissuisarnermik siullerpaalluni ingerlatalik misilittaat "blowerdoor"-mik atilik atorlugu kissassusermillu assiliissut atorlugu. Taamatut sulisarneq nutaanik sanaartortarnerni pitsaassuseq eqqarsaatigalugu alloriarnerungaatsiarpoq. INI-ttaaq Namminersorlutik Oqartussat nutaanik sanaartugaanni nukissanut avatangiisinullu tunngasuni pitsanngorsaateqarsimavoq soorlu kissartumik atueqqittarneq eqqarsaatigalugu pitsaasumillu silaannarissartarnerit eqqarsaatigalugittaaq.

Inussiarnersumik inuulluaqqusillunga

Med venlig hilsen

A handwritten signature in blue ink, appearing to read 'Kuupik Kleist', with a long horizontal flourish extending to the right.

Kuupik Kleist